



10. november 2010

Inatsisartut Suleriaasianni § 36 imm. 1 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq:

Naalackersuisunut apeqquq Maniitsumi ataavartumik efterskolemik inissiinissaq pillugu

(Inatsisartunut ilaasortaq Justus Hansen, Demokraatit)

Tungavilersuut:

Naalackersuisut – Inatsisartunut tunngatillugu inatsisartunik sullissisussatut isigisariaqartut – 2010-mi upernaakkut ataatsimiinnermi suliakkinneqarput paasiuminarluinnartumik. Suliakkiissutigineqarpoq ataavartumik efterskolinngortussap inissiffissaa pillugu pilersaarusiussasut.

Aningaasanut inatsisissap suliarineranut atatillugu saqqummiunneqariataarpoq, Naalackersuisut efterskolissaq Maniitsumut inissinniaraat. Tamatumunnga atatillugu imatut aperisariaqalerpunga:

1. Naalackersuisunik nassuiaqquneqarpoq, Maniitsumi inissiinissaq qanoq ililluni pinngorsimanersoq aammalu inissiiffiusinnaasut sumiiffiit allat suut misissorneqarsimanersut. Tassunga ilanngullugu Naalackersuisut saqqummiusseqquneqarput naatsorsuutit takutitsisunik sooq Maniitsoq allanut naleqqiullugu inissiiffiusariaqartut toqqarneqarsimanersoq, allanimmi Naalackersuisut ilanngussisimanissaat naatsorsuutigisariaqarmat.

Inatsisartut 2010-mi Upernaakkut ataatsimiinnerminni siunnersuut manna oqallisigaat:

Efterskolemik ataavartumik pilersitsinissaq siunertaralugu pilersaarusiornissamut Naalackersuisut peqquneqarnissaannik Inatsisartut aalajangiiffigisassaattut siunnersuut

Siunnersuut pillugu isumaliutissiissummi ilaatigut imatut allassimasoq atuarneqarsinnaavoq:

“Efterskolip Tasiilami inissinneqarsinnaanera immikkut pitsaaquteqarsinnaasoq arlalinnit oqaatigineqarpoq. Taama inissiinikkut Kalaallit Nunaata Kangiata Kitaatalu akulerutsinnissaat siuarsarneqarsinnaavoq. Apeqquq ataatsimiititaliap maanna inaarutaasumik isummerfigerusunngilaa, tassa sumiluunniit inissiiffiusinnaasumik naleqquttumik misissuinissamut Naalackersuisut ataatsimiititaliamit mattukkumanegannimmata. Tamatuma saniatigut efterskoliulerumaarsinnaasup inissineqarfissaa pillugu apeqquq najukkani politikerinit iluaqutiginiarneqassanngimmat ataatsimiititaliamit erseqqissaatigineqassaaq.”

Tamatumunnga atatillugu imatut aperisariaqalerpunga:

2. Naalackersuisut uppernarsarsinnaavaat Maniitsumi efterskolemik inissiiniarneq suminganneernerminik pingaartitsinerminik tungaveqanngitsoq ?

3. Oqallinnermi malunnarpoq amerlanerussuteqartut kissaatigingaat efterskole Tasiilamut



inissinneqassasoq. Kulturimut, Ilinniartitaanermut, Ilisimatusarnermut Ilageeqarnermullu Ataatsimiititaliali toqqaannartumik Naalakkersuisut peqqunngilai efterskolep Tasiilamut inissinissaa sulissutigissagaat, Naalakkersuisut allamut inissiisinaanermut misissuineranni killilersuinissaq kissaatigineqanngimmat imaluunniit Qasigiannuani efterskolip pioreersup allineratigut efterskolerusuttut amerlanerusut tiguneqartalernissaannut periarfissarsiorsinnaaneq mattukkusunneqanngimmat. Naalakkersuisut uppersarsinnaavaat inissiiffiusinnaasut tamarmik misissorluarneqarsimasut?

Siunnersuutip siullermeerneranut atatillugu Naalakkersuisut ilaatigut akissumminni allapput:

“Naalakkersuisut taamaammatt efterskolimik ataavartumik ataatsimik pilersitsinissamut periarfissat misissorlugit aallartinnikuuaat, ilimagalugulu Inatsisartut 2010-mi ukiakkut ataatsimiinneranni efterskolimik ataatsimik pilersitsinissamut pilersaarut saqqummiussinnaallugu. Taamatut oqaaseqarlunga siunnersuutip Inatsisartuni akuersissutigineqannginnissaa inassuteqaatigaara.”

4. Soorlu takuneqarsinnaasutut, Naalakkersuisut inassutigaaat siunnersuut itigartinneqassasoq, tungavilersuutigalugu nammineq pilersaarusiamik aallartitserersimaneq. Kukkunerunerluni isumaqassagaanni, Naalakkersuisut taamanili aalajangiutereersimagaat efterskole Maniitsumut inissinneqassasoq ?

Apeqqutit akeqquneqarput piffissarititaasut ullut suliffiit naliginnaasut qulit iluanni.